

**Protocol da la sezzüda dal Cussagl cumünal da lündeschdi,  
13 lügl 2009, a las 20.00, acta 23**

Preschaints: Jon Carl Rauch; Chasper Alexander Felix,  
Marianne Werro-Lehmann, Jachen Andri Schmidt e  
Georg Salomon  
Mario Riatsch (tractandas 194 – 196)  
Rico Zini (protocol)

**Tractandas:**

**194. Surdatta lavur d'indschegner proget – Via da basa Sur En**

Il silvicultur forestal, Mario Riatsch orientescha sur da l'offerta da progettaziun per la via da basa a Sur En. L'Uffizi da god racumonda da surdar la progettaziun al büro Albert Mayer, Sent.

Il Cussagl cumünal decida da laschar far la lavur al büro Mayer, Sent, per ün tet da cuosts da fr. 19'500.-- (excl. IPV). Pel proget cumplessiv sun da spettar ca. 75 – 82 % subvenziuns davart dal Chantun.

SL – Proget via da  
basa Sur En

**195. Adattamaints magazin forestal Sur En per la maschina da loipa**

Mario Riatsch preschainta al Cussagl cumünal las adattaziuns bsögnadas vi dal magazin forestal a Sur En per pudair dat a fit eventual ün local a la societä Loipa Scuol – Martina per metter aint la maschina da la loipa.

Causa chi fa per quel scopo dabsögn d'ün local s-chodà ed isolà, s'amunta l'investiziun sün raduond fr. 29'000.--. Fr. 19'000.-- sun aignas prestaziuns e'l rest sun lavurs tras terz e material. Il lö per laschar la maschina per far la loipa füss a Sur En ideal. La societä füss pronta da pagar fr. 4'000.-- l'on. Il Cussagl cumünal manaja, in vista a las investiziuns bsögnadas per quel scopo, cha'l fit saja massa bass.

Il Cussagl cumünal decida da princip da dar a fit il local, però per ün predsch da fr. 500.-- al mais, q. v. d. fr. 6'000.-- l'on.

Adattamaints  
magazin forestal  
Sur En per la maschina  
per far la loipa

**196. Cumprita veicul forestal d'ocasiun – Fr. 6'200.--**

Il silvicultur orientescha chi s'haja da muossar avant il jeep cotschen. Tenor il garaschist nu riva quel plü tras la controlla. La garascha Zanetti vess ün Daihatsu adattà per ün predsch d'ocasiun da fr. 6'200.--.

Il Cussagl cumünal decida da comprar il veicul per quel predsch. L'import ais büdschettà.

Cumprita veicul  
forestal, fr. 6'200.--

**197. Protocol**

Il Cussagl cumünal approva il protocol da la sezzüda dals 29 gün 2009, acta 22.

Protocol

**198. Orientaziuns**

1. Alpigiada in Sursass

Il capo orientescha cha'ls 18 lügl 2009 ha lö l'alpigiada in Sursass.

Orientaziuns

2. Zona d'indigens a Flüs

Il schef da fabrica orientescha chi nu's ha pudü chattar cun ün dals possessurs principals üna soluziun chi cuntainta a tuottas duos varts sainza s-chaffir grondas exepziuns. La cumischiun da planisaziun es per quai gnüda a la conclusiun, chi nu saja pussibel d'eriger in quel lö üna zona per indigens.

**199. Permiss da fabrica – Jöri Felix – Remissa e gascha nouva – Prümäria 787**

Sün dumonda da sar Jöri Felix decida il Cussagl cumünal da dar il permiss per far la lavur seguaintamaing:

1. Tenor la dumonda acclus al permiss.
2. Il decret da l'Uffizi pel svilup dal territori dal chantun Grischun BAB-no. 2009-0553 dals 2 lügl 2009 es impegnativ.
3. Il Cumün inhascha üna taxa da trattamaint da fr. 200.--.
4. La taxa dal Chantun per la procedura da BAB importa fr. 798.--.

Permiss da fabrica,  
Jöri Felix, remissa e  
gascha nouva a  
Prümäria

**200. Permiss da fabrica – Cristian Roner – Abitaziun nouva – Sot Pradè 139-A**

Sün dumonda da sar Cristian decida il Cussagl cumünal da dar il permiss per far la lavur seguaintamaing:

1. Tenor la dumonda e'ls plans fats buns ed acclus al permiss.
2. Il Cumün inhascha seguaintas taxas tenor il reglamaint da taxas e sia agiunta:
  - taxa da trattamaint: fr. 150.--
  - attach electric, prov. 1% fr. 1'200.-- (excl. ipv)
  - attach d'aua, prov. 1.5% fr. 1'800.--
  - attach chanalisaziun, sarinera, prov. 2% fr. 2'400.-- (excl. ipv)
3. Pel rinforz da l'attach electric existent vain inhaschè tenor art. 17 dal reglamaint da taxas las indicaziuns dal controllör da las OEE.

Permiss da fabrica,  
Cristian Roner,  
abitaziun nouva,  
Sot Pradè 139-A

Il schef da fabrica orientescha cha quist saja il prüm permiss da fabrica chi suottastà al decret da la planisaziun cumünala. Q.v.d. cha quista abitaziun vain definada sco 1. abitaziun (vain fixà uschè aint il cudesch fundiari) e vain datta davopro a fit ad indigens.

**201. Permiss da fabrica – Chatrina e Geri Ritzmann – Tschuffa da laina – Archas Sura**

Sün dumonda da la famiglia Ritzmann decida il Cussagl cumünal da dar il permiss per far la lavur seguaintamaing:

1. Tenor la dumonda acclus al permiss.
2. Il Cumün inhascha üna taxa da trattamaint da fr. 50.--.

Permiss da fabrica,  
C. + G. Ritzmann,  
tschuffa da laina,  
Archas Sura 201

**202. Permiss da fabrica – Ursina Margadant – Div. müdamaints – Curtin 14**

Sün dumonda da dna. Ursina decida il Cussagl cumünal da dar il permiss per far la lavur seguaintamaing:

1. Tenor la dumonda e'ls plans fats buns ed acclus al permiss.
2. Il Cumün inhascha seguaintas taxas tenor il reglamaint da taxas e sia agiunta:
  - taxa da trattamaint: fr. 300.--
  - attach electric, prov. 1% fr. 2'400.-- (excl. ipv)
  - attach d'aua, prov. 1.5% fr. 3'600.--
  - attach chanalisaziun, sarinera, prov. 2% fr. 4'800.-- (excl. ipv)
3. Pel rinforz da l'attach electric existent vain inhaschè tenor art. 17 dal reglamaint da taxas las indicaziuns dal controllör da las OEE.

Permiss da fabrica,  
Ursina Margadant,  
abitaziun nouva,  
Sot Pradè 139-A

**203. Revisiun parziala da la constituziun cumünala**

Il Cussagl cumünal repassa ils artichels müdats per quai chi's tratta da vulair introdüer il vuschar a l'urna. Cul nouv organ d'üna cumünanza d'urna as vessa la pussibilità d'obtnair eir opiniuns da persunas chi nu van a radunanzas o da quellas chi lavuran d'utrò. Tschertas robas sco'l preventiv e'l rendaquint cumünal vegnan sco fin uossa preschantadas in üna radunanza cumünala. Eir affars da gronda importanza pon gnir preschantats in üna radunanza cumünala o ouravant in radunanzas d'infuormaziun. Cur cha'l Chantun ha preexaminà la varianta gnaran ils müdamaints da la constituziun cumünala preschantats ad üna radunanza cumünala.

Vuschar a l'urna

#### **204. Griankopf – Piz Uina**

Griankopf/ Piz Uina)

Illa radunanza cumünala dals 9 lügl 2009 d'eira gnü il giavüsch da reponderar la decisiun tratta dal Cussagl cumünal dals 30 avrigl 2007. Quella jada d'eira gnü decis da na vulair agiundscher al nom "Griankopf" il nom Piz Uina.

Il Cussagl cumünal decida da tour sü contact culla cumischiun da nomenclatura per eruir las cundiziuns. L'idea da festagiar il battaisem insembel culs 100 ons Quar es fich buna.

Georg Salomon orientescha in quel connex chi's haja miss sü ün comité d'organisaziun per organisar las festivitats dal Quar. In quella organisaziun fan part Cla Rauch, Evar Benderer, Victor Peer e sia persuna.

#### **205. Diversas schefs**

Diversas schefs

##### **1. Lingia per la zocca**

In radunanza cumünala dals 9 lügl 2009 d'eira gnü fat la dumonda schi nu füss pussibel da metter aint ils s-chavs da la sauaziun, chi sun actualmaing averts, tübs, chi transportan la zocca dals paurs sur cumün gio Tschesch.

Il schef da god e pauraria orientescha ch'el haja scleri gio la chosa culla meglioraziun ed eir discus cun ün pêr paurs sco ch'els vezzessan la chosa. L'interess dals paurs es fich pitschen e l'investiziun cuostess tenor retscherchas intuorn fr. 100'000.--. Tras l'ameglioraziun nun esa pussibel da far üna tala investiziun. Implü vegnan ils s-chavs in pacs dis darcheu zuogliats. L'interess da la vart da l'agricultura nun es avantman e l'investiziun nu maina quai chi cuosta.

Il Cussagl cumünal decida da na perseguitar inavant l'idea manada illa radunanza cumünala.

##### **2. Sunteri**

La schefa da sanità muossa a man da fotografias che lavurs chi sun gnüdas fattas in sunteri.

Fin da la sezzüda: 22.35

L'actuar: